

# DEO OPTIMO MAXIMO VIRGINIQUE MATRI. QUÆSTIONES MEDICÆ.

10

## QUÆSTIO THEORICA.

*An ex nimia animi contentione subita canities contingere possit?*

I.

**E**A est in perquirendis rerum abditarum causis humani ingenii, ut vel auctoritate ac præjudicio fultum, antiquis opinionibus firmius inhæreat, novæque pertinaciter respuat; vel novitatis fuco, potiusquam veritatis amore ductum, quidquid novum est ac inauditum hæcenus avidè excipiat. Hinc plurimos inter Medicos Physicosque qui adstruendis, admittendisve systematis dant operam: alii à suscepta sententia discedere indignum putant: alii verò, spretis Majorum placitis, novæ cuidam opinioni vix in lucem prolata præcipitant, assentiuntur. Sub omnium oculis versantur utriusque vitii exempla; & ne cupiens vitare Charybdim, incidam in Syllam, unius tantum rei studiosus (veritatis scilicet) utrumque scopulum, quoad potero, declinabo. Verum ut institutum opus aliquo procedat ordine, Thesim juvat à definitione auspicari. Per Capillum intelligimus corpus exilissimum, longum, teres, frigidum, flexile, siccum & cavum. Decebat profecto Deum qui omnes thesauros (si dicere fas est) in gratiam hominis exhaustisse videtur, ipsius caput Pilis exornare. Quantum homini decoris afferant, disertè docet Divus Hieronymus, his verbis: *Coma reverenda in senibus, veneranda in Sacerdotibus, terribilis in militibus, compra in mulieribus, dulcis in pueris.* Eò femina amabilior est, quò magis imberbis. Asserunt auctores plurimi, hi quidem classici, materiam Pilis menti gignendis idoneam tempore quo fororiantur mammae, pubertatis tempus intelligite unà cum Cathamoniis foras amandari. Supposità muliere-barbigerà, primis faculis difficile fuisset marem à femina, absque obscenitate, distinguere. Pili varia sortiuntur nomina pro variis partibus è quibus erumpunt: qui caput videntur obvallare nomine Capillorum insigniuntur: qui jacent super orbitam, hos Supercilia: qui palpebram utramque efformant, Cilia nuncupabis: hos verò qui mentum adornant Barbam voca. Pilos in vola & solo nullos reperies propter nimiam pororum constrictionem.

II.

**P**ILI quos vix à limine salutavimus multa suppeditant unde differamus. Priusquam immaturam canitiem enodemus, plurima dicenda occurrunt de materia quâ nutriuntur. Diversitatem Capillorum repetendam censemus ex multiplici fonte, à quantitate, densitate, longitudine, exteriori qualitate, vario colore, ratione temporis. Si quis aliud discrimen assignet, ei non refragabimur. Hæc omnia sigillatim perpendamus: hos si audias, Capillorum sicut & Pilorum causam subtilem re-fundes in vapores sanguinis fuliginosos, excrementitios, terreis particulis onustus quos subministrat tertia coctio. Si hæc tibi minùs arrideant, hoc opus adscribas succo spisso, viscido, admodum impuro, à sanguine aut alio quovis humore modo peculiari præparato, per me licet. Quantitate discrepant: si his benigna natura Capillorum silvam concesserit, istis noverca penuriam; densitate reverà hi Capillos gerunt exiles, isti spissos & crassos. Horumce phenomenon causam sciscitanti, ex majori vel minori pororum latitudine desumendam reponam. Si quis eos metiatur cum una eademque, non est in omnibus subjectis conformatio pororum. Si aliunde succo nutritio affluat Petrus, idem Paulum deficiat; comatum primum dices, secundum non comatum. Exteriori qualitate hinc alii molles habent, alii duros: hi crispatos, isti secos: permulti humidos, quod meritò in mutatione temperamentis necnon variâ succi nutritii indole repono. Est & aliud discrimen in Capillis admittendum habitâ ratione diversæ coloris. Sic pituita miscela cum succo quo aluntur eos facit coloris albi participes: si eidem succo saluginositates misceantur, hoc ignoscite verbum, colorem nigrum; si bilis flavum referent, si humores jam laudati modò ad synciput, modò ad occiput confluant, noli fidem derogare asserenti evenire posse ut caput ejusdem hominis colore modò flavo, aliquando nigro, nonnunquam albo inficiatur. Ex dictis facile est intelligere cur capilli magnâ parte Ægyptiis, Arabibus, Indis, Hispanis, Italis nigri, Batavis è contra, Anglis, Scotis, plagas aquiloni subjectas habitantibus albi hæreditate obveniant. Demum ratione temporis differunt: hinc solemnitas divisio in congenitos & post-genitos. Sanguinem in capillis circulari nullus audeat inficiari; si eat inficias aut ambigat, insurget morbus Polonis familiaris vulgò dictus Plica Polonica, in qua capilli sanguinem fundunt. Hoc non sine causa adscribo aquis fontis qui manat propter Cracoviam. Bonæ aut præva indolis argumentum non leve varius color capillorum. Omnium pessimus: qui proximè accedit ad rubrum. En imago imperfecta sed genuina nequissimi ac scelestissimi Judæ qui mundi Redemptorem prodidit.

III.

**N**IMIA animi contentione quam inducendo capillis colori albo aptam contendimus, res plurimæ miseros mortales irretiunt, quas brevitatis causâ revocare lubet ad jacturam bonorum, graves rei domesticæ curas, sollicitudines, summum amasæ diffat aut fato functæ desiderium; si quis adjiceret hanc quoque causam agnoscerem. De canitie quæ senibus accidit, nulla fit mentio; rem saltem breviter perstringam: pro ipsius causâ accusamus cerebrum admodum humidum quod largam pituitæ copiam subministrat: hæc pituita succo alendis capillis dicato immiscetur; ipsorum subit scrobiculos, & illos colore albo tingit canitiem, cujus causa est immodica animi contentio. Examini subijciamus expositulat demandata nobis provincia. Observatum est quosdam subito canos evasisse; ita refert Sennertus ex Scaligero Exercitatione trecentâ decimâ secundâ, Historiam quæ sub Francisco Gonzaga accidit: is affinem suum suspectum conjurationis cum in turri ad quæstionem & supplicium asseruari jussisset, nuntiatum est manè totum cum repente canum factum. Magnificus Dominus Rector Orationem Panegyricam habiturus Ludovico XIV. felicis memoriæ Galliarum Regi invictissimo, cum ad multam noctem pluries vigilasset, partem capitis notabilem candidam animadvertit. Præstanti vir ingenio vagiens in cunis me hercule canuit, in quo & scientiarum præsidia collecta sunt & virtutum merita congesta tempore quo nondum ex ephebis excesserat. Utriusque intempestivæ canitudinis causas exploremus. In affine laudato sanguis præ timore spissus factus hæbat in vasis cerebri, arteriis scilicet carotidibus & cervicalibus, exoneravit glandulas cuti substratas pituitæ plurimum, quæ delata in capillis beneficio vasis excretorii illos albos effecit. In amplissimo Rectore sanguis provolutus velociori motu ad vasa præfata affatim pariter decessit ad colateria glandularum in ipsas deposuit humoris dicti largam copiam. Hinc capilli canitiem contraxere vitandi sedulo nimia animi contentiois scopuli: moderata lectio prodest, inquit Seneca, nocet diuturnior. Est modus in rebus extra quem nequit consistere rectum; & sicut alimenta nimia quantitate assumptâ ventriculum fatigant; sic studium pertinaciùs negotium animo facescit ejusque vires exolvit. Unde jure concludo:

*Ergo ex nimia animi contentione subita canities contingere potest.*

## QUÆSTIO PRACTICA.

*An dolori nephritico aquæ rupiposæ?*

I.

**I**NTER morbos quibus obnoxius est homo, ærumnarum fons & infirmitatum nephritidem an numeramus. Hominem dico miseriarum abyssum, quem vel in utero conclusum morborum ilias jugulat. Proh Deum immortalem: potestne mors hunc sibi in prædam vindicare qui nondum communi spiritu perfruitur? Gravis lis est inter Medicos circa doloris nephritici definitionem: hunc alii cum inflammatione renum confundunt, alii cum calculo renum: Nos verò qui continuo ferimus in oculis augustissimum Monspelienfis Apollinis sanum, vocamus nephritidem dolorem renum, aut uretherum à quacumque causâ sobolescat. Quapropter Nephritis quæ à parte frequentius affecta, renibus videlicet nomen mutuatur, dolor est renum seu uretherum cum abolita aut imminuta urinæ excretionem. Quoniam autem dolor omnis supponit nimiam nervorum succutionem, & abolita aut imminuta urinæ excretio angustiam viarum per quas fecerni aut secreta moveri debet. Quæcumque igitur renes vel uretheres irritare & illarum partium cavitates angustare valebunt, Nephritidem parient. Hæc autem efficere possunt inflammatio renum, quoniam in parte inflammata sanguis accumulatur & insigniter rarefcit. Vasa quoque turgere & præter modum tensa esse oportet, ex quo evidenter ductuum urinosorum compressio, nervosorum tensio, & præternaturalis succutio, sequetur inde dolor cum præpeditâ urinæ excretionem. Cum verò urina excrementum est quod continuo in sanguine generatur, intra vasa accumulabitur, & in partes ruet, sicque varium damnum afferet, si in cerebrum affectus soporosos excitabit; si in pulmones, gravis causa suffocationis timendæ. Solet autem in ventriculo sedem eligere quem pungit & vellicat, indeque exurgit vomitus necnon halitus urinæ odorem referentes, oris cavitatem contaminant, & in universum corporis habitum irrepunt. Febris quoque colico nephritico suppetias venit cui urinâ suppressâ inflammatione renum calculus in ipsorum pelvi vel uretheribus nidulans natales præbere potest. Sunt & aliæ nephritidis causæ quas consulo omittimus. Quod spectat calculi materiam, arbitramur in corpore humano formari calculos, non ex peculiari aliquo lapidescente succo, sed per simplicem terrearum particularum congectionem quas unâ cum alimentis quotidie devoramus. Terræ hæc particula cum nullo elatere prædita sint, neque in nutrimentum abeant, in minutissimis vasculorum extremitatibus necessariò coacervantur, ubi morbosas concreciones creant. Causam calculi efficientem cum saniori Medicorum parte in calorem moderatum refundimus.

II.

**T**RADITÂ nephritici doloris definitione, ipsius causis investigatis, exploratâ calculi materiâ ad ipsius diagnosim & prognosim magnis itineribus contendimus. Nephritidem renum arguit dolor in lumbis fixus cum præpeditâ urinæ excretionem. His calor partis affectæ immodicus nausea, vomitus urinæ adjunguntur. Dolor verò uretherum quia fixus non est, sed per abdomen vagatur, cum Colica intestinali confundi potest. A qua tamen distingues per suppressâ aut maximè imminutam urinæ excretionem per situm; nam uretheres, ut docet Authopsia, à renibus ad hypogastrium obliquè tendunt. Præterea detento Colico dolore aliquid solatii affert alvi depositio: nihil omnino nephritico evidenter est ejus diagnosi, si æger talem dolorem per periodos redeuntem passus fuerit. Demum indaganda causa doloris quæ speciem, ut plurimum certè indicat. Finito nephritidis paroxismo urinarum inspectione, de morbi natura liquidò constat. Signa causarum in hunc modum instituire poteris. Si dolor nephriticus ab inflammatione proficiscatur, conqueretur æger de dolore in lumbis maximo, de febre acuta. In principio morbi sitis intensâ, anxietates graves, vigilia ægrum discruciant, &c. Si calculus in pelvi renum latitans nephritidem producat, noscetur ex dolore fixo in lumbis: incipiente morbo sat miri, successu temporis admodum ingravescente, pondusque ab ægroto in renibus percipitur, nephritidem morbum pronuntio acutum. Dubii hæc ratione eventus cum asserat Hippocrates, Aphorismo 19. Sectionis 2. in acutis morbis non omnino certas esse mortis aut salutis prædictiones. Pater inde quantum prudentiæ præ se ferre debeat Medicus cui soli de morbis judicare competit. Hoc nos cum divino sene edocent Medici complures magni nominis, inter quos insignem sanè locum tenet unus è saluberrima Pictaviensi Facultate, qui Prælectiones Medicas auspicaturus ab aliquot mensibus de prognosi in morbis ferenda dixit. Hunc virum lubenter audivimus, ex cujus ore melle dulcior fluebat oratio. Varianda tamen prognosim pro varia causâ à qua dependet nephritis quæ ortum habet ab inflammatione maximè timenda: minus habet periculi quæ à calculo, quia per uretheres ad vesicam ferri potest. Si verò præmole in uretherum cavitatem se se insinuare nequeat, ægro certissimè mortem affert, sed prius renum abcessum & ulcus cum febre hectica & marasmo. Nephritis cujus causâ hæreditaria est, non sanatur datâ tubulorum urinosorum vitiosâ structurâ, prævaquo sanguinis crassi, quæ remedia superare nullatenus valent.

III.

**H**IS ita exaratis accuratissimè indagare & odorari quæ sit vis aquarum rupiposæarum ad nephritidem delumbandam consilium est: nos minimè later hunc affatum multis aliis expugnari posse remediis, sed his superfedemus, perpaucis ad summum recensēbimus, ne thesis quam jam produxi, longius limites excedat. Sanando dolori Nephritico aquas præfatas ideo comparatas prædicant Medici quòd diureticæ sint, id est, quòd uberiores urinæ copiam valeant promovere. Hæc aquæ epotæ per vias dicatas, œsophacum dico, ad stomachum devolvuntur ex hoc viscere liquoris. Nihil una cum chylo migrat in venas lacteas primarias delaturum in secundarias quæ misenterium adornant: ibi per aliquod breve tempus hospitans viam sibi facit ad canalem thoracicum, dein ad venam axillarem sinistram è qua cum sanguine in ventriculum cordis dextrum devehitur. Itæ aquæ sic commixtæ cum sanguine ipsius motum vasa emolliendo & relaxando obtundunt imminuto sanguinis circuitu minùs frequenter appellit ad colateria renum. Hinc ipsorum ductuum minor compressio, hinc uberior urinæ excretio rupiposæ fons alio nomine organum sanguinis compefcit partibus nimirum sulphureis quas ad intricandas ipsius particulas valde accommodatas agnoscimus sal armoniacum quod in aquis rupiposæis latere credimus aliquid conferre ad ægotantis levamen non negamus. Agendi modus interroganti exponetur. Laudant alii ad satietatem venæ sectionem parera brava: alii plenâ manu sal armoniacum; alii commendunt balnea: hæc omnia magni facio, præsertim balneum, si ex oleo olivarum conficiatur, ut mos est in Provincia & utraque occitania, sed cum natura oleum hoc invidit Provinciæ Pictonicæ hoc remedio perrarò utimur. Præfata remedia (iterum dico) maxima præstant in nephritide; sed his, me iudice, palmam præripiunt aquæ rupiposææ.

*Ergo dolori nephritico aquæ rupiposææ.*

### ASSERTIONES.

Lapidis Philosophici inquisitio multum dat fumi, parum auri.  
Retina præcipuum est organum visus.  
Bruta ex ovis generari opinio ingeniosa & probabilis.

### PROBLEMATATA.

An corporis temperatura animi vires indicet?  
An vir facetus joci delectetur?  
An virum ebriosum ebrietas juit?

### PARADOXA.

Qui sapiens est, is solus dives.  
Nullum bonum nisi quod honestum est.  
Mori satius est quam vivere.

Has Theses (Deo Optim. Maxim. & Virgine Dei-parâ faventibus) pro adoptione in Facultatem Mediam Pictaviensem propugnabit JOSEPHUS-BLASIUS MAUDUYT, Pictaviensis, Doctor Medicus Monspelienfis, PHILIPPI filius & ANDRÆ nepos, ejusdem Academia Doctorum. Die solidâ octavâ mensis Januarii anno Dom. 1732.

## IN SCHOLIS MEDICORUM.

PICTAVII, Apud JOANNEM FAULCON Filh, Academia Typographum, è conspectu viæ Franciscanæ.